

衢州文獻集成

經部

第

11

冊

衢州文獻集成

黃靈庚 諸葛慧艷

主編

〔經部〕

11
冊

國家圖書館出版社

第一冊目錄

沈先生春秋比事二十卷(卷十三至二十)

(宋)沈斐撰

明祁氏澹生堂抄本

一

麟寶六十三卷(卷一至十)

(明)余敷中撰


明萬曆刻本

二五七

(宋)沈斐撰

沈先生春秋比事二十卷
(卷十三至二十)

明祁氏澹生堂抄本



沈先生春秋比事卷之十三

會

會同之禮設於宗伯掌於行人周之常典也成康盛
時諸侯率服因時而會莫敢怠違頌之所美揚和鸞
鳴佩玉以形容禮儀之盛而已未嘗言會諸侯也會
諸侯不言者當周隆興會同常禮不以此為盛美
也屬王不道周室顛危宣王中興鳩散討貳侵諸
侯而之於是有東都之會詩人紀之車攻以善宣
王復古其後犬戎作難周又不競平王東播權移諸
侯寺之賢以振皇綱中都之會見始

紛亂於

諸侯有王王有巡狩以習之

非是不舉則古者之會一於宗王非假禮文而滋私欲也春秋衰世王德不足以懷天下法制刑威之柄又不足以束之於是諸侯傲然自張無復為而會凡端委弁冠群贊乎邦國者非干戈敵仇則盟誓固黨非窺人土地則保我疆邑車輪四馳幾有寧歲始也諸侯專之其次大夫專之其次夷狄攘之禮法變蕩不可扶持回視西周之美無復異其髣髴矣聖人傷之採摭舊史具載筆削使天下後世所尊者王凡春秋書會皆文武成康之罪人也謹按經所書有

內與一國自會者有外與諸侯交會者有合諸侯而大會者或主於霸主於大夫或主於吳楚要不可以不辨請次其說

經書公會一國者十有八

隱九年公會齊侯于防左謂請伐宋也蓋經自六年公與齊侯結艾之盟七年齊侯使其弟年來聘故九年會防是時魯鄭交好已久則公為是會蓋為鄭謀伐宋也十年中丘之會伐宋之役齊鄭皆與則左氏之說信矣。十一年公會鄭伯于時來左云謀伐許也蓋

言許久矣而事起于此

故會

鄭伯謀

夫以私好而謀人之國其惡可知也

。桓元年公會鄭伯于垂將假許田鄭伯欲利魯受田鉏其罪故會以謀之夫鄭之假田魯之受田皆為非義則之會實起罪之由也。三年公會齊侯于贏秋會齊侯于謹公始即位謀欲結昏于齊故春為贏之會及齊侯送姜氏于謹公又往會之夫諸侯親迎不使卿父母送女不踰境公使公子翬逆女既失親迎之禮及齊侯逆之而又往會于謹可往逆而不逆不當會而往會公之失禮甚矣。是年公會杞侯于郕二年杞侯來朝既而入祀至是又往會之夫

杞既來朝則公無入其國可也既入其國則無會焉
可也今恃強自懿恩怨不常信不道矣。六年公會
紀侯于成左謂紀來懿謀齊難也蓋齊以五年與鄭
伯如紀將以滅紀紀恃魯與齊好且屬親舊舊且故告
難于魯而公為是會也觀是年紀侯來朝終桓之世
紀無齊難至莊元年齊始遷其三邑則成之會是魯
平齊紀也。十年公會衛侯于桃丘弗遇齊衛鄭將
為郎之戰公雖欲會之而衛欲附齊鄭以病魯於是
失期不至故經書弗遇也。十一年公會宋公于夫
鐘冬公會宋公于闕十二年會宋公于虛冬會宋公

于龜公盟于武父鄭故累會宋公以之。公之
所以力欲平宋鄭者何也始魯以郎之戰有怨于鄭
忽及宋人納突忽出奔衛魯之所欲者在突立而忽
出也今宋多賁賂於鄭鄭不堪命而宋鄭交怨矣宋
復連接齊衛納忽以逐突則非魯之利矣此公之所
以數平宋鄭初非為兩國寔已好惡也觀是年宋公
辭平公遂連鄭以伐之則魯之思突明矣。十四年
公會鄭伯于曹公既與鄭結盟又兩與伐宋故復為
是會以修前好也觀是年鄭伯使其弟語來盟則鄭
之與魯恩好一結可謂密矣。十五年公會齊侯于

艾謀定許也。蓋魯以隱十一年鄭伯及齊侯入許，莊公奔衛。至是而許叔入，故公會齊侯以謀定之也。十八年公會齊侯于濼，姜氏在也。桓公不嚴帟，簠恣姜氏之淫奔，終致身殞，國危，其污簡牘甚矣。然遂如齊，則書姜氏而濼之會，則書公者，罪公之深。若曰公自會之也。莊二十七年公會齊侯于城濮，公以二十四年娶齊姜氏，則恩好往來，宜倍於它國，故同盟之外特為是會也。然公娶離女，會離國，其得罪於先君可貸哉。宣元年公會齊侯于平州，左謂以定公位，蓋公以是年娶齊之女，又使行父如齊復會齊侯。

于平州

如是其謹者公弑亦

見討

故結齊之深如此觀齊於此取濟西田則平州之會
魯求齊可知。定八年公會晉師于瓦齊以病魯
侵其鄙邑晉趙鞅士鞅荀寅帥師救魯故公會齊
懼晉魯併力見討至十年遂及魯平而脩夾谷之
會魯亦知晉之衰不足恃也於是捨晉從齊夫魯
以齊見偏告難于晉晉既出師以援之而齊難既平
遽忘晉德轉而從齊則反覆觀望其不義可謂甚矣
凡此皆魯與一國自會者也

經書稱會公者三

言會公者皆公會在外初無會期而要會之也文十三年衛侯會公于沓鄭伯會公于棐是時公朝于晉於始往也衛侯要會于沓及其歸也鄭伯要會于棐夫諸侯私會亦已非禮况初無會期因其往來于晉而要之于道以脩交際之禮乎左謂衛鄭二公請平于晉公皆成之杜謂鄭貳楚有畏於晉故因公請平會以求之理或然也。定十四年邾子來會公當是時公大蒐于比蒲故邾子來會公夫蒐國之大禮講武之地非兩君合好以脩禮文之所也邾急於會公而公與之會皆非禮矣凡此皆經書公會者也。

經書內大夫會一國者八

文元年公孫敖會晉侯于戚左謂晉侯疆戚田故公
孫敖會之是時文公初立魯方附晉故遣公孫敖往
會晉侯夫文公始嗣國親往會焉可也乃以大夫上
抗強國之君失事大之禮起專僭之患經書此者非
特惡敖亦所以惡公也况魯以前未有大夫自會諸
侯者專會之弊實始于此其產亂豈不重乎。十一
年叔彭生會晉卻缺于承匡左謂諸侯之從於楚者
考之春秋是年楚伐鄭而魯與晉宋衛許救鄭至十
四年新城之盟鄭伯與焉則鄭未從楚也陳及宣公

時方往從楚則陳於是時亦未嘗從楚也左氏之說其信然乎蓋魯事晉之謹不敢廢怠故是年遣卻缺以尋戚之會也宣十四年公孫歸父會齊侯于穀十五年仲孫蔑會齊高固于無婁魯自宣公與齊交好公與大夫交輒事之至十年齊人歸濟西之田而魯事齊愈謹親齊人愈固故十四年為穀之會十五年為無婁之會皆所以結齊之援○成五年叔孫僑如會晉荀首于穀左謂晉荀首如齊逆女故宣伯譚諸穀然考經無荀首逆女之文則左說似不可考

晉業

歸之魯自案之戰以後

晉故

叔孫僑如會晉荀首于穀也。襄十九年叔孫豹會
晉士匄于柯左謂齊及晉平盟于大隧故穆叔會范
宣子于柯然是年晉士匄帥師侵齊至穀聞齊侯卒
乃還齊殺高厚以說于晉以魯十八年晉合諸侯以
圍齊實起於會今齊晉既平使齊釋憾則魯必甚
危故急晉之使齊不敢病魯晉亦不忘魯好也
柯之會可以威齊而堅晉也。昭三十一年季孫意
如會晉荀躒于適歷意如逐君于外懼大國見討會
晉以自固也昭公在外也七年晉不能殺季氏以納
之反使荀躒與意如同意而又區區以官之是晉陰